

*Camilla Rochleng*

**Undersøking om foreldrebetaling i barnehagar,  
januar 2010**

---

*Rapportar* I denne serien blir det publisert analysar og kommenterte statistiske resultat frå ulike undersøkingar. Undersøkingar inkluderer både utvalsundersøkingar, teljingar og registerbaserte undersøkingar.

© Statistisk sentralbyrå, juli 2010	<b>Standardteikn i tabellar</b>	<b>Symbol</b>
Ved bruk av materiale frå denne publikasjonen skal Statistisk sentralbyrå givast opp som kjelde.	Tal er umogleg	.
	Oppgåve manglar	..
	Oppgåve manglar førebels	...
ISBN 978-82-537-7889-1 Trykt versjon	Tal kan ikkje offentleggjerast	:
ISBN 978-82-537-7890-7 Elektronisk versjon	Null	-
ISSN 0806-2056	Mindre enn 0,5 av den brukte eininga	0
Emne: 04.02.10	Mindre enn 0,05 av den brukte eininga	0,0
	Førebels tal	*
Trykk: Statistisk sentralbyrå	Brot i den loddrette serien	—
	Brot i den vassrette serien	
	Desimalskiljeteikn	,

## Forord

Sidan 1992 har Statistisk sentralbyrå (SSB) på oppdrag frå Barne- og Familie-departementet, no Kunnskapsdepartementet (KD), gjennomført ei halvårleg undersøking av foreldrebetalinga for fulltidsopphald i kommunale og private barnehagar per januar og august publisert i serien Notater. Frå 2009 har resultatane vorte presentert årleg i serien Rapportar.

Formålet med denne undersøkinga er å kartlegge nivået på og betalingsreglar knytt til foreldrebetaling i barnehagar. Frå januar 2003 vart dei aggregerte storleikane for dei kommunale og private barnehagane vekta. I notat publisert til og med august 2002 vart kun uvekta snitt nytta i berekningane. Frå og med januar 2003 vart det ikke lenger skilt mellom private barnehagar som mottok kommunalt tilskot og dei som ikkje mottok kommunalt tilskot. I 2007 gjennomgjekk undersøkinga ei større omlegging og vart lagt om til ei totaltelling blant kommunane basert på elektronisk datafangst gjennom KOSTRA (KOMMune-STat-RAPportering). Skjemaa til kommunane vart også noko utvida frå 2007 med fleire spørsmål knytt til moderasjonsordningar og tilleggsutgifter i barnehagane. Skjemaa til dei private barnehagane vart også noko utvida, og omfatter i stor grad dei same spørsmåla som kommunane vert stilt. Opplysningar frå dei private barnehagane vert trekt tilfeldig etter stratifisering på geografisk område og henta inn postalt.

Seksjon for prisstatistikk har stått for gjennomføringa av undersøkinga med Camilla Rochlenge som ansvarleg for analysen av resultatane som leggst fram i denne rapporten. Prosjektet er finansiert av KD.

## Samandrag

Denne rapporten er laga av Statistisk sentralbyrå (SSB) på oppdrag frå Kunnskapsdepartementet. SSB har i oppdrag å gjennomføre ei undersøking av foreldrebetalinga for fulltidsopphald i kommunale og private barnehagar i januar og august kvart år. Undersøkinga er no basert på ei totalteljing av alle kommunane i landet.

Gjennomsnittlege månadssatsar utan kostpenar og tilleggsutgifter for fulltidsopphald i kommunale barnehagar for hushald med brutto årsinntekt på 250 000, 375 000 og 500 000 kroner, er på landsbasis høvesvis **2 079**, **2 218** og **2 262** kroner per januar 2010. Minimumssatsen ligg i gjennomsnitt på **1 549** kroner, medan maksimumssatsen er **2 292** kroner. 339 av dei 418 kommunane i prissamanklinga, det vil sei at 81 prosent, har ein maksimumssats som ligg på sjølve maksimalsatsen på **2 330** kroner. Månadssatsane for hushald med brutto årsinntekt på 250 000 og 375 000 kroner hadde ei endring på høvesvis 0,9 og 0,5 prosent frå januar 2009, medan det for årsinntekt på 500 000 kroner ikkje vart målt noko endring.

Av dei 427<sup>1</sup> kommunane som har rapportert betalingsatsar per januar 2010 nyttar 23 prosent eit system for inntektsgraderte satsar, det vil sei satsar som er avhengig av hushaldet si inntekt. Flest kommunar har såkalla "flate" betalingsatsar. Alle<sup>2</sup> kommunane byr på syskenmoderasjon for hushald med to eller fleire barn i barnehage. 85 prosent av dei kommunane som rapporterer at dei har privat barnehagetilbod spesifiserer at dei kommunale moderasjonsordningane også gjeld for dei private barnehagane i kommunen. 91 prosent av kommunane som har kommunale barnehagar spesifiserer at kostpenar ikkje er inkludert i sjølve opphaldsbetalinga, men at dette kjem i tillegg til månadssatsen.

77<sup>3</sup> prosent av dei private barnehagane i utvalet rapporterer at dei nyttar ein maksimumssats som følgjer fastsett maksimalsats på **2 330** kroner, medan det for 28 prosent vert rapportert at dei tilbyr inntektsgraderte satsar. Alle dei private barnehagane byr på syskenmoderasjon for hushald med to eller fleire barn.

Gjennomsnittleg årsbetaling for fulltidsopphald i kommunale og private barnehagar utan kostpenar og tilleggsutgifter er på landsbasis **23 288** kroner per januar 2010.

---

<sup>1</sup> 3 kommunar rapporterer at dei ikkje har kommunalt barnehagetilbod i kommunen.

<sup>2</sup> Ein av kommunane har rapportert at dei ikkje byr på syskenmoderasjon, men denne kommunen prisar barnehageplassane tilstrekkelig under maksprisen til at husholdningane i praksis betalar mindre enn det summen av den fastsette makspris og syskenmoderasjon vert til saman.

<sup>3</sup> 93 prosent rapporterer at dei har lik eller høgare pris på barnehageplass enn fastsett makspris på 2330 kroner. Ein skal merkje seg at denne prosentsatsen inkluderer barnehagar som har spesifisert at kost er inkludert, men at kostprisen er ukjend. Det er difor ikkje mogleg å sei noko om eksakt kva pris desse barnehagane har når kost ikkje er medrekna.

## Abstract

This report, which was commissioned by the Ministry of Education and Research, is produced by Statistics Norway. Statistics Norway is commissioned to conduct a biannual survey of household payments for a full time place in public and private kindergartens in January and August each year. The survey of January 2010 is based on a total census of all municipalities in Norway.

The average monthly fees excluding food and additional costs for a full-time place in municipal kindergartens for households with gross annual income of NOK 250 000, 375 000 and 500 000 is, on a national basis, respectively NOK **2 079**, **2 218** and **2 262** as of January 2010. On average the minimum rate is NOK **1 549**, while the maximum rate is NOK **2 292**. Of the municipalities included in the price comparison 339 of 418, that is 81 per cent, operate with monthly fees equal to the maximum rate of NOK **2 330** set by the Norwegian Parliament. Monthly rates for households with gross annual income of NOK 250 000 and 375 000 changed from January 2009 by 0.9 and 0.5 per cent respectively, while no change was found for households with an annual income of NOK 500 000.

Of the 427<sup>4</sup> municipalities that reported payment rates per January 2010 uses 23 per cent an income-differentiated payment system, that is to say that fees are dependent on the household's income. Most municipalities have so-called "flat" payment rates. All<sup>5</sup> municipalities offer siblings rebate to households with two or more children in kindergarten. Of the municipalities who reports that they have private kindergartens in the municipality, 85 per cent specifies that these operate with a similar price reduction system as the public kindergartens. 91 per cent of the municipalities who reports having municipal kindergartens specify that food costs are not included in the actual residence payment, but that it is in addition to the monthly rate.

77<sup>6</sup> per cent of the private kindergartens in the sample report that they follow the established maximum rate of NOK **2 330**, while 28 per cent are reported to provide income-differentiated payment system. All of the private kindergartens offer siblings moderation to households with two or more children.

Mean annual payment for a full-time place in municipal and private kindergartens excluding food costs and additional expenses at the national level is NOK **23 288** as of January 2010.

---

<sup>4</sup> 3 municipalities report that they do not have a public kindergarten supply.

<sup>5</sup> One of the municipalities has reported that they do not offer price reduction for siblings, but this municipality charges a monthly fee sufficient under the maximum rate for the households to result in a lower payment than the maximum rate combined with sibling moderation.

<sup>6</sup> 93 per cent of the municipalities report that they price their kindergartens at the maximum level of NOK 2 330 or more. It is worth noting that this percentage includes those private kindergartens who reports that food fees are included in the regular monthly fee, but who have not specified what total food costs adds up to. Thus no exact monthly fee excluding food and other costs are known to us in these specific cases.

## Innhald

<b>Forord</b> .....	<b>3</b>
<b>Sammendrag</b> .....	<b>4</b>
<b>Abstract</b> .....	<b>5</b>
<b>1. Generelt om undersøkinga</b> .....	<b>7</b>
1.1. Om tabellane .....	7
1.2. Definisjonar.....	8
1.3. Generelle merknader .....	9
<b>2. Betalingssatsar i kommunale barnehagar</b> .....	<b>10</b>
2.1. Månadssatsar på landsbasis .....	10
2.2. Månadssatsar for hushald med brutto årsinntekt på 250 000 kroner .....	10
2.3. Månadssatsar for hushald med brutto årsinntekt på 375 000 kroner .....	10
2.4. Månadssatsar for hushald med brutto årsinntekt på 500 000 kroner .....	11
2.5. Minimum og maksimum betalingssatsar .....	11
2.6. Årsbetaling på landsbasis.....	11
2.7. Inntektsgradering .....	12
2.8. Friplass/moderasjonsordningar .....	13
2.9. Syskenmoderasjon .....	13
2.10. Private barnehagar i kommunane.....	14
2.11. Talet på betalingsmånader .....	14
2.12. Kostpengar og tilleggsutgifter .....	14
2.13. Eigne betalingssatsar for barn under 3 år.....	15
<b>3. Betalingssatsar i private barnehagar</b> .....	<b>16</b>
3.1. Månadssatsar og årsbetaling etter region og på landsbasis.....	16
3.2. Inntektsgradering .....	17
3.3. Friplass/moderasjonsordningar .....	17
3.4. Syskenmoderasjon .....	17
3.5. Talet på betalingsmånader .....	17
3.6. Kostpengar og tilleggsutgifter .....	17
3.7. Eigne betalingssatsar for barn under 3 år.....	17
<b>4. Gjennomsnittleg årsbetaling for fulltidsopphald i kommunale og private barnehagar</b> .....	<b>18</b>
<b>Vedlegg A: Tabellar</b> .....	<b>19</b>
<b>Figurregister</b> .....	<b>24</b>
<b>Tabellregister</b> .....	<b>25</b>

## 1. Generelt om undersøkinga

Denne rapporten er laga av Statistisk sentralbyrå (SSB) på oppdrag frå Kunnskapsdepartementet. SSB har i oppdrag å gjennomføre ei undersøking av foreldrebetalinga for fulltidsopphald i kommunale og private barnehagar i januar og august kvart år. Undersøkinga er no basert på ei totalteljing av alle kommunane i landet.

Data frå kommunane vert innhenta elektronisk gjennom det nasjonale informasjonssystemet KOSTRA (Kommune-STat-RApportering). Det kan likevel vere fråfall ved rapportering, og bak endringstala i rapporten i år ligg det 418 av 430 kommunar til grunn. Opplysningar frå dei private barnehagane vert framleis henta inn postalt frå eit representativt utval barnehagar og omfattar i stor grad dei same spørsmåla som kommunane vert spurt om. Datainnsamling gjennomførast i både januar og august kvart år. Det vert laga éin rapport i året basert på data per januar, og arbeidet med datamaterialet avsluttast i juni kvart år.

Undersøkinga og rapporten omhandlar fulltidsopphald for barn over 3 år i kommunale og private barnehagar.

Kommunane vart bedne om å gje følgjande opplysningar om kommunale barnehagar per januar 2010:

- betalingssatsar,
- talet på timar per veke for fulltidsopphald,
- moderasjon for andre og tredje sysken samt talet på barn med syskenmoderasjon,
- eventuelle kostpengar i tillegg til opphaldsbetalinga,
- eventuelle tilleggsutgifter til for eksempel turar eller andre aktiviteter,
- talet på betalingsmånader,
- om dei nyttar eigne betalingssatsar for barn under 3 år,
- eventuelle moderasjons-/friplassordningar,
- om dei private barnehagane i kommunen følgjer dei same moderasjonsordningane.

Kommunane med inntektsgraderte satsar må rapportere betalingssatsar for ulike førehandsdefinerte inntektsintervall, i tillegg til minimums- og maksimumssatsar. Dei kommunale barnehagane må også rapportere betalingssatsar på dei tre inntektsnivåa 250 000, 375 000 og 500 000 kroner.

SSB gjer merksam på at betalingssatsar innan eit utval inntektsintervall samt informasjon om syskenmoderasjon vart publisert på kommunenivå<sup>7</sup> gjennom KOSTRA og frigjort på internett; [www.ssb.no/kostra](http://www.ssb.no/kostra) 15. mars 2010 (ureviderte tal). Revidert datamateriale vart publisert på same stad 15. juni 2010. Vekta gjennomsnittstal på fylke og landsnivå vert berre publisert gjennom denne rapporten og ikkje gjennom KOSTRA.

Betalingsatsar frå dei private barnehagane vert innhenta frå eit utval på omlag **210** private barnehagar som er trekt frå dei fem regionane Austlandet, Agder/Rogaland, Vestlandet, Trøndelag og Nord-Noreg.

### 1.1. Om tabellane

Dei fire fyrste tabellane omhandlar betalingssatsar og betalingsreglar for kommunale barnehagar, og tabell A5 omhandlar private barnehagar. I undersøkinga er gjennomsnittssatsane vekta.

<sup>7</sup> Tal for Oslo kommune er publisert på bydelsnivå.

Tabell A1 Oversiktsdata for undersøkinga. Tabellen gir ei fylkesvis oversikt over førekomsten av nokre kjennemerke i undersøkinga, det vere seg talet på kommunar i undersøkinga, inntektsgraderte satsar, syskenmoderasjon og andre moderasjonsordningar, kostpengar og om dei private barnehagane i kommunen følgjer dei same moderasjonsordningane.

Tabell A2a Gjennomsnittlege månadssatsar for fylke og bruttoinntekt. Tabellen inneheld gjennomsnittlege månadssatsar etter fylke og på landsbasis for januar 2009 og januar 2010, og prosentvis endring i månadssatsane.

Tabell A2b Gjennomsnittleg årsbetaling for fylke og bruttoinntekt. Tabellen inneheld gjennomsnittstal for årsbetalinga etter fylke og på landsbasis for januar 2009 og januar 2010, og prosentvis endring i årsbetalinga. Årsbetalinga er ein utrekna storleik gitt at vilkåra for januar ikkje har endra seg.

Tabell A3 Gjennomsnittlege månadssatsar og årsbetaling etter bruttoinntekt, 1992-2010. Tabellen inneheld utviklinga i månads- og årsbetaling frå januar 1992 til januar 2010. Gjennomsnittssatsane for januar 2010 og tilbake til januar 2002 er vekta. Tidlegare vart gjennomsnittsutrekningar gjort med simpelt snitt.

Tabell A4 Oversiktsdata for kommunale barnehagar. 2007-2010. Tabellen gir ei oversikt over utviklinga i nokre kjennemerke i undersøkinga, det vere seg talet på kommunar i undersøkinga, inntektsgraderte satsar, syskenmoderasjon og andre moderasjonsordningar, kostpengar og om dei private barnehagane i kommunen følgjer dei same moderasjonsordningane.

Tabell A5 Månads- og årsbetaling etter region for private barnehagar. Tabellen inneheld gjennomsnittleg månads- og årsbetaling for hushald med barn i privat barnehage for januar 2009 og januar 2010, samt prosentvis endring i satsane.

## 1.2. Definisjonar

Undersøkinga måler månadssatsar for fulltidsopphald over 41 timar per veke.

Definisjonar på fulltidsopphald kan variere mellom kommunar og mellom barnehagar innan kommunane. Kommunen må rapportere talet på timar per veke for den fulltidsordninga som ligg nærast definisjonen ovanfor og som flest barn nyttar.

Inntektsgraderte betalingssatsar er betalingssatsar som er avhengig av foreldra si inntekt. Dette omfattar ordninga med redusert foreldrebetaling/friplassar gjennom barnehagen sitt ordinære betalingssystem. Ordningar med redusert foreldrebetaling/friplassar gjennom andre organ fell utanfor definisjonen.

Friplass er det som kommunane til ei kvar tid definerar som friplass. Den kan løyvast gjennom barnehagen sitt ordinære betalingssystem eller andre organ i kommunane. Kommunane kan operere med ulike vilkår som kvalifiserar for friplassane.

Minimumssats er den lågaste satsen kommunen har spesifisert i sitt betalingssystem. Minimumssatsane i denne undersøkinga er ikkje knytt opp mot eit spesifikt inntektsnivå då dette kan variere frå kommune til kommune.

Maksimumssats er den høgaste satsen kommunen har spesifisert i sitt betalingssystem. Maksimumssatsane i denne undersøkinga er ikkje knytt opp mot eit spesifikt inntektsnivå då dette kan variere frå kommune til kommune.

Tilleggsutgifter er utgifter for ulike aktivitetar og arrangement som i mange tilfelle kan tilkome utover sjølve opphaldsbetalinga og kostpengar.



### 1.3. Generelle merknader

Rapporten gir prisar hovudsakleg for barn over 3 år same kva type barnehage (vanleg barnehage, familiebarnehage).

Gjennomsnittlege månadssatsar og utrekna årsbetaling på dei ulike inntektsnivå i tabellane for dei kommunale barnehagane har bakgrunn i punktobservasjonar for inntektsnivå og ikkje frå dei førehandsdefinerte inntektsintervall. Gjennomsnittleg årsbetaling som ikkje er knytt til eit spesifikt inntektsnivå (sjå kapittel 4) er utrekna på grunnlag av betalingssatsar som er oppgjeve i førehandsdefinerte inntektsintervall slik at heile betalingssystemet i større grad vert fanga opp i dette gjennomsnittstalet. Gjennomsnittlege månadssatsar og utrekna årsbetaling i dei private barnehagane er berre basert på betalingssatsar oppgjeve i førehandsdefinerte inntektsintervall.

I kommunar med inntektsavhengig foreldrebetaling *kan* det liggje ulike definisjonar av inntekt til grunn for fastsetjing av foreldrebetalinga. I tillegg har kommunane ulike system for kostpengar. I den grad det er mogleg vert kostpengar utskilt frå månadssatsen. Men i nokre tilfelle er nivået på kostpengar ukjent og inkludert i månadssatsen, dei er difor ikkje mogleg å skilje ut. Dette skapar vanskar for samanlikningar av takstnivå, men uvissa vert mindre dess høgare nivå vi gjer samanliknar på. Etter at Stortinget innførte maksimalgrense på foreldrebetaling 1. mai 2004 vert satsane i stor grad endra i samsvar med endringar i denne maksimalsatsen. Satsane og vilkåra i denne undersøkinga er dei som gjaldt i januar 2010.

Per januar 2009 og januar 2010 vart det innhenta informasjon frå ei tilnærma totalteljing av kommunane i landet. For januar 2009 var det 418 kommunar som leverte data igjennom KOSTRA, medan alle kommunane leverte for januar 2010. 418 av desse observasjonane ligg til grunn for berekningar som omfattar endringstal i denne rapporten.

SSB gjer merksam på at nokre data frå tidlegare målingar kan ha vorte endra i ettertid som ei følge av nye opplysningar. Gjennomsnittssatsane for januar 2010 og tilbake til januar 2002 er vekta, i motsetnad til tidlegare gjennomsnittsutrekningar som har vorte gjort med simpelt snitt. Gjennomsnittstala i tabellane kan difor avvike noko frå det som har vorte publisert tidlegare.

## 2. Betalingssatsar i kommunale barnehagar


### 2.1. Månadssatsar på landsbasis

Med brutto årsinntekt på 250 000, 375 000 og 500 000 kroner er dei gjennomsnittlege månadssatsane utan kostpengar og andre tilleggsutgifter for fulltidsopphald i kommunale barnehagar på landsbasis høvesvis **2 079**, **2 218** og **2 262** kroner per januar 2010. Satsane med brutto årsinntekt på 250 000 og 375 000 kroner er 0,9 og 0,5 prosent høgare i januar 2010 samanlikna med året før, medan det for ei brutto årsinntekt på 500 000 kroner ikkje har skjedd noko endring frå sist måling. Minimumssatsen utan kostpengar er i gjennomsnitt **1 549** kroner per januar 2010, medan maksimumssatsen er **2 292** kroner i same periode. Tala er illustrerte i tabell A2a i vedlegget. Gjennomsnittleg månadssats på landsbasis for hushald med *to* barn i kommunal barnehage ligg på høvesvis **3 497**, **3 730** og **3 805** kroner med brutto årsinntekt på 250 000, 375 000 og 500 000 kroner.

### 2.2. Månadssatsar for hushald med brutto årsinntekt på 250 000 kroner

For hushald med ei årsinntekt på 250 000 kroner er *høgaste* betalingssats på fylkesnivå **2 318** kroner, som ligg rett under maksimalsatsen fastsett av Stortinget per januar 2007. Høg betalingssats for låginntektsgrupper kan mellom anna ha samanheng med betalingssystemet kommunane har valt. Kommunane innan desse fylka nyttar i liten grad betalingssatsar som er avhengige av inntekta til hushaldet. Dette gjer at uavhengig av kva hushaldet tenar vert prisskilnaden for ein barnehageplass liten. Tilsvarende vert prisen for barnehageplassar for foreldre med låg inntekt lågast i fylka som er prega av inntektsavhengige satsar. *Lågaste* betalingssatsar har Rogaland med **1 584** kroner, Vest-Agder med **1 855** kroner og Vestfold med **1 895** kroner. Tala er illustrerte i figur 2.1, samt i tabell A2a i vedlegget.


Figur 2.1. Gjennomsnittlege månadssatsar for eit barn i kommunal barnehage. Brutto årsinntekt på 250 000 kroner. Januar 2010



### 2.3. Månadssatsar for hushald med brutto årsinntekt på 375 000 kroner

Betalingssatsar for hushald med årsinntekt på 375 000 kroner ligg på **2 250** kroner eller meir med unntak for fylka Rogaland, Aust-Agder, Oslo og Buskerud, sjå figur 2.2.

**Figur 2.2. Gjennomsnittlege månadssatsar for eit barn i kommunal barnehage. Brutto årsinntekt på 375 000 kroner. Januar 2010**



## 2.4. Månadssatsar for hushald med brutto årsinntekt på 500 000 kroner

Variasjonen i foreldrebetalinga mellom fylka er mindre dess høgare inntektsnivået er. For hushald med årsinntekt på 500 000 kroner er den *lågaste* betalingsattsen registrert i Rogaland med **1 984** kroner, sjå tabell A2a i vedlegget.

## 2.5. Minimum og maksimum betalingsattsar

Satsane som vert omtalt i dette avsnittet er lågaste og høgaste gjennomsnittlege månadssatsar for dei ulike fylka og er illustrerte i tabell A2a. Minimums- og maksimumssatsane i denne undersøkinga er ikkje knytt opp mot eit spesifikt inntektsnivå då dette kan variere frå kommune til kommune. Det er store variasjonar i foreldrebetalinga avhengig av om kommunane nyttar inntektsgradering i betalingssystemet. Dei *lågaste* minimumssatsane har Oslo og Akershus med høvesvis **636** og **934** kroner. Møre og Romsdal, Troms, Nordland og Nord-Trøndelag har dei *høgaste* minimumssatsane med betalingsattsar like oppunder fastsett maksimalsats på **2 330** kroner.

339 av dei 418 kommunane i prissamanlikninga, det vil sei 81 prosent, har ein maksimumssats som ligg på sjølve maksimalsatsen på **2 330** kroner.

## 2.6. Årsbetaling på landsbasis


Forutan månadssatsane er storleiken på årsbetalinga for *eit* barn i barnehage avhengig av kostpengar og andre tilleggsutgifter samt talet på betalingsmånadar. Med brutto årsinntekt på 250 000, 375 000 og 500 000 kroner er årsbetalinga på landsbasis for hushald med eit barn i barnehage i gjennomsnitt høvesvis **24 784**, **26 316** og **26 801** kroner i januar 2010. Det har dermed vore oppgang for alle inntektsnivåa, med størst auke på 1,5 prosent for hushalda med 250 000 kroner i brutto årsinntekt. Tala er illustrerte i tabell A2b i vedlegget.

Årsbetalinga for to barn er i tillegg til dei faktorane nemnt ovanfor, avhengig av storleiken på syskenmoderasjonen. For tilsvarande bruttoinntekter er årsbetalinga på landsbasis for hushald med to barn i barnehage i gjennomsnitt høvesvis **42 297**, **44 862** og **45 680** kroner. Årsbetalinga for dei tre inntektsnivåa ligg på høvesvis 1,8, 1,3 og 0,9 prosent høgare i januar 2010 jamfør satsane i januar 2009.

## 2.7. Inntektsgradering

Forskrift om foreldrebetaling i barnehagar slår fast at alle kommunar skal ha ordningar som syt for at barnefamiljar med lågast betalingsevne kan få ein reduksjon i eller fritak for foreldrebetaling, men kommunane er sjølve fri til å avgjere om dei ynskjer å by inntektsgradering gjennom ordinært betalingssystem i dei kommunale barnehagane. Det viser seg at dei fleste kommunane nyttar eit system med såkalla "flate" betalingssatsar, det vil sei satsar som ikkje er differensiert etter hushaldet si inntekt. 329<sup>8</sup> av 430 kommunar, det vil sei at omlag 77 prosent, nyttar "flate" månadssatsar. Dei andre 98 kommunane som har kommunalt barnehagetilbod har inntektsgraderte betalingssatsar definert innafør sitt ordinære betalingssystem. 19 kommunar rapporterer at dei nyttar eit system med flate satsar, samstundes som dei rapporterer at dei byr på friplassar innafør sitt ordinære betalingssystem. Desse kommunane er ikkje med i talet for kommunar med inntektsgraderte satsar. Det er stor variasjon i korleis inntektsgraderinga er utforma, både når det gjeld kva for inntekt det refererast til, kor høg inntekt hushaldet kan ha og storleiken på reduksjonen.

Figur 2.3. Talet på kommunar som tilbyr inntektsgraderte betalingssatsar<sup>9</sup> etter hushaldet si samla brutto årsinntekt. Januar 2010



Figur 2.3 viser som forventa at det er mest vanleg med satsreduksjon for hushald med inntekt i dei lågare intervalla. Det er viktig å merke seg at satsane er henta inn på førehandsdefinerte inntektsintervall, dermed er det mogleg at kommunane kan nytta fleire trinn i sitt system for inntektsgradering enn kva tala ovanfor viser.

Det er store regionale skilnader når det gjeld bruk av inntektsgraderte satsar. Oslo kommune nyttar graderte satsar, og i Akershus fylke er det berre ein som ikkje byr på graderte satsar. I Rogaland, Vestfold og Telemark byr over halvparten eller fleire av kommunane på inntektsgradering. I tillegg er det mange kommunar i Agder fylka, Oppland og Buskerud som tilbyr inntektsgradering. Det er derimot ingen kommunar frå fylket Troms som rapporterer at dei tilbyr inntektsgradering. Ordninga er også lite utbreidd i Nordland, Hedmark, Hordaland, Sogn og Fjordane Møre og Romsdal samt Nord-Trøndelag. Resultata viser òg at det er i dei fylka kor det er mest utbreidd med inntektsgradering at storleiken på reduksjonen er størst. Samla sett av alle kommunane med inntektsgraderte satsar utgjer den lågaste betalingssatsen for hushald med årsinntekt under 150 000 kroner 38 prosent av maksimal sats i desse kommunane.

<sup>8</sup> Her er dei 4 kommunane som har rapportert at dei har gratis barnehagetilbod medrekna.

<sup>9</sup> Her inkluderar vi alle som har oppgjeve pris som ligg under makspris på dei ulike inntektsintervalla.

Det er særleg dei større kommunane som tilbyr inntektsgraderte satsar. Blant dei 31 mest folkerike kommunane (talet på innbyggjarar over 27 000) byr 19 av dei på inntektsgradering. Av dei 104 minste kommunane (talet på innbyggjarar under 2 074) er situasjonen det motsette, berre 9 av disse rapporterer at dei tilbyr graderte satsar. Dette resulterer i at i underkant av halvparten av alle barn i kommunale barnehagar høyrer til ein kommune som byr på inntektsgradering.

37 av 430 kommunar rapporterer at dei tilbyr friplassar gjennom det ordinære betalingssystemet, medan 19 av desse også hevdar at dei tilbyr flate sats i sitt betalingssystem. 6<sup>10</sup> kommunar rapporterer at friplass er den betalingssatsen som hushald nyttar seg av når dei har total årsinntekt under 150 000 kroner.

Ein del kommunar definerer sine inntektsgrenser målt i kroner, medan andre definerer dei i samsvar med grunnbeløpet i Folketrygda. Ettersom grunnbeløpet oppjusterast kvart år, vil eit hushald med konstant inntekt før eller seinare få lågare opphaldsbetaling.

## 2.8. Friplass/moderasjonsordningar

Kommunane har ulik praksis med omsyn til bruk av friplassar. 9 prosent av alle kommunar byr på friplassar spesifisert i barnehagen sitt ordinære betalingssystem. 75 prosent av kommunane tilbyr friplass etter særskilt behandling, gjennom sosialkontor, barnevernsnemnd eller skulekontor, medan 56 prosent av kommunane byr på moderasjonsordningar (reduert foreldrebetaling) utanfor barnehagen sitt ordinære betalingssystem. 7 prosent av kommunane rapporterer at dei ikkje har moderasjonsordningar forutan regelbunden syskenmoderasjon. Fire kommunar har vedteke å tilby gratis barnehageplass til alle.

## 2.9. Syskenmoderasjon

Forskrift om foreldrebetaling i barnehagar slår fast at alle kommunar skal tilby minst 30 prosent syskenmoderasjon for barn nr. 2 og minst 50 prosent for barn nr. 3 eller fleire. Per januar 2010 byr alle<sup>11</sup> kommunane på syskenmoderasjon. 69 prosent av kommunane tilbyr syskenmoderasjon på 30 prosent for barn nr. 2, og til saman er det 99 prosent av kommunane som tilbyr syskenmoderasjon på 30 prosent eller meir.

I dei aller fleste kommunane aukar syskenmoderasjonen med talet på barn. 84 prosent av kommunane tilbyr syskenmoderasjon på 50 prosent for barn nr. 3, medan 95 prosent tilbyr 50 prosent eller meir. Det er 10<sup>12</sup> kommunar som tilbyr 100 prosent syskenmoderasjon. I hovudsak gir kommunane ikkje syskenmoderasjon på kostpengar.

Det kan vere av interesse å vite kor mange barn som får syskenmoderasjon i dei kommunale barnehagane. Per januar 2010 er det på landsbasis ca. 17 prosent av barna i dei kommunale barnehagane som får syskenmoderasjon som barn nr. 2, medan prosentdelen er langt lågare som barn nr. 3 med i underkant av 1 prosent. Ei mogleg forklaring på den låge prosentdelen for barn nr. 3 kan vere at familiar som har fleire barn under skulealder i større grad vel andre tilsynsordningar. Det er viktig å merke seg at desse tala kan vere noko usikre. For mange kommunar, særleg større kommunar, er det vanskeleg å rapportere eit godt totaltal på barn med syskenmoderasjon i kommunen.

---

<sup>10</sup> Dette er ikkje medrekna dei 4 kommunane som har gratis tilbod av barnehageplassar.


<sup>11</sup> Ein av kommunane har rapportert at dei ikkje byr på syskenmoderasjon, men denne kommunen prisar barnehageplassane tilstrekkelig under maksprisen til at husholdningane i praksis betalar mindre enn det den fastsette makspris og syskenmoderasjon vert til saman.

<sup>12</sup> Dette inkluderer dei 4 kommunane som tilbyr gratis barnehageplass.

## 2.10. Private barnehagar i kommunane

85 prosent av dei kommunane som rapporterer at dei har privat barnehagetilbod spesifiserer at dei kommunale moderasjonsordningane også gjeld for dei private barnehagane i kommunen. Av disse kommunane nyttar 28 prosent inntektsgraderte satsar gjennom det ordinære betalingssystemet. 34 prosent av kommunane opplyser at dei ikkje har private barnehagar i kommunen per januar 2010.

Figur 2.4. Kommunar med ulike rabattordningar. Prosent<sup>13</sup>. Januar 2010



## 2.11. Talet på betalingsmånader

98 prosent av kommunane har foreldrebetaling for heilårsopphald fordelt på 11 månadlege betalningar. Berre 7 av dei 430 kommunane har foreldrebetalinga fordelt på 12 månader, medan 1 kommune har fordelt på 10 månader.

## 2.12. Kostpengar og tilleggsgifter

Etter forskrift om foreldrebetaling kan kommunane krevje inn kostpengar utover det som er sett som maksimalsats, og nesten 91 prosent av kommunane krev inn kostpengar separat. Kostpengar kan variere frå barnehage til barnehage og satsen som innhentast er ein gjennomsnittleg sats for alle barnehagane i kommunen. Undersøkinga tek berre omsyn til dei tilfella kor kostpengar vert spesifisert. I undersøkinga er det ikkje teke med kostpengar som er avtalt direkte mellom den enkelte barnehagen og dei føresette. Dette fører til at samanlikningane mellom fylka kan vere noko usikre. I gjennomsnitt vert det gjort krav på i overkant av 190 kroner i månaden for fulltidsopphald. 4 prosent av kommunane opplyser at dei ikkje veit kor mykje kostpengar utgjer av opphaldsbetalinga enten dei er inkludert eller ikkje.

I tillegg er det ein del kommunar som krev inn andre utgifter utover sjølve opphaldsbetalinga og kostpengar. Det kan vere utgifter til utflukter, ulike aktivitetar og liknande. 10 prosent av kommunane opplyser at dei krev inn for slike utgifter. Men, det er noko usikkert i kva grad undersøkinga fangar opp desse utgiftene ettersom opplysningane er henta inn på kommunenivå og ikkje i den enkelte barnehagen. Det kan tenkjast at slike utgifter vert avkrevja foreldra langsetter året, når trongen for finansiering av ekstraordinære aktivitetar er der, noko som kan gjere det vanskeleg å avlegge ei rapportering av totalsum dersom ikkje dei ulike beløp er godt loggført. I gjennomsnitt vert det gjort krav på i overkant av 64 kroner

<sup>13</sup> For ”private barnehagar med same modersasjonsordningar” er prosentsatsen oppgjeven som del av dei som har rapportert at kommunen har privat barnehagetilbod.

per måned, ein nedgang frå januar 2009. Det er berre to kommunar som har rapportert at dei ikkje veit kor mykje som vert betalt inn for andre tilleggsutgifter. Som nemnt ovanfor rådar det uvisse om kor gode desse tala er.

### **2.13. Eigne betalingssatsar for barn under 3 år**

Berre 6 av 430 kommunar har egne betalingssatsar for barn under 3 år per januar 2010.

### 3. Betalingssatsar i private barnehagar

#### 3.1. Månadssatsar og årsbetaling etter region og på landsbasis


For januar 2009 og januar 2010 er det rekna ut landsgjennomsnitt der dei ulike regionane er vekta saman på bakgrunn av talet på barn i private barnehagar. Innan regionane er det teke eit simpelt gjennomsnitt.

77<sup>14</sup> prosent av dei private barnehagane rapporterar at dei har ein sats som følgjer fastsett maksimalsats på **2 330** kroner frå Stortinget. For dei private barnehagane er det ikkje henta inn betalingssatsar på ulike punktobservasjonar for ulike inntektsnivå, men for ulike førehandsdefinerte inntektsintervall. Gjennomsnittleg månads-sats og årsbetaling i dei private barnehagane er dermed i større grad basert på heile betalingssystemet i barnehagen.

Den gjennomsnittlege månads-satsen utan kostpengar og andre tilleggsutgifter i private barnehagar på landsbasis er **2 260** kroner per januar 2010, marginalt opp frå januar 2009. Satsane varierar mellom dei ulike regionane frå **2 082** kroner i Agder/Rogaland til **2 317** kroner i Nord-Noreg. Tala er illustrerte i tabell A5 i vedlegget.

Dei relativt små endringane som her vert skildra skuldast med stort sannsyn at barnehagane har tilpassa seg ein maksimalsats på 2 330 kroner. Det synast som om kostpengar og andre tilleggsutgifter vert nytta til å justere foreldrebetalinga utover maksimalsatsen.

**Figur 3.1. Gjennomsnittleg årsbetaling for eit barn etter region og betalingsår. Private barnehagar. Januar 2009 og januar 2010**



For hushald med *eit* barn i barnehage varierar årsbetalinga inkludert kostpengar og andre tilleggsutgifter i private barnehagar for januar 2010 mellom **25 953** kroner i Agder/Rogaland og **28 991** kroner i Trøndelag. Den gjennomsnittlege årsbetalinga for heile landet var **27 857** kroner i januar 2010, som er ein oppgang på 0,9 prosent frå januar 2009. Tala er illustrerte i tabell A5 i vedlegget.

<sup>14</sup> 93 prosent rapporterar at dei har lik eller høgare pris på barnehageplass enn fastsett makspris på 2330 kroner. Ein skal merkje seg at denne prosentsatsen inkluderar barnehagar som har spesifisert at kost er inkludert, men at kostprisen er ukjend. Det er difor ikkje mogleg å sei noko eksakt om kva pris desse barnehagane har når kost ikkje er medrekna.



For hushald med *to* barn i barnehage varierar satsane for årsbetalinga frå **45 618** kroner i Agder/Rogaland til **51 322** kroner på Austlandet. På landsbasis er gjennomsnittssatsen **49 784** kroner, ein oppgang på 1,0 prosent frå januar i fjor.

### **3.2. Inntektsgradering**

85 prosent av dei kommunane som rapporterar at dei har privat barnehagetilbod spesifiserar at dei kommunale moderasjonsordningane også gjeld for dei private barnehagane i kommunen. Av disse kommunane nyttar 28 prosent inntektsgraderte satsar gjennom det ordinære betalingssystemet. Legg ein utvalet av dei private barnehagane til grunn er det 28 prosent som opplyser at dei byr på inntektsgraderte satsar. I likskap med dei kommunale barnehagane er det også for dei private barnehagane mest vanleg med "flate" betalingssatsar. Inntektsgraderte satsar synast å vere mest utbreidd på Austlandet og i Agder/Rogaland. Berre ein privat barnehage hevdar at dei tilbyr inntektsgraderte satsar i Trøndelag medan det i Nord-Noreg ikkje vert rapportert om slike tilbod.

### **3.3. Friplass/moderasjonsordningar**

1 prosent av utvalet rapporterar at dei byr på friplassar gjennom sitt ordinære betalingssystem. 39 prosent av dei private barnehagane tilbyr friplass og/eller andre moderasjonsordningar etter særskilt behandling, gjennom sosialkontor, barnevernsnemnd eller skulekontor.

### **3.4. Syskenmoderasjon**

Alle dei private barnehagane i utvalet gir syskenmoderasjon. 98 prosent av utvalet byr på 30 prosent eller meir i syskenmoderasjon for barn nr. 2. 93 prosent opplyser at syskenmoderasjon for barn nr. 3 er på 50 prosent eller meir.

### **3.5. Talet på betalingsmånader**

Dei aller fleste private barnehagane (93 prosent) i utvalet har foreldrebetaling fordelt på 11 månadlege betalingar. 12 barnehagar krev inn fleire enn 11 betalingar, medan berre 1 barnehage har oppgjeve 10 månadlege betalingar.

### **3.6. Kostpengar og tilleggsutgifter**

78 prosent av utvalet rapporterar at dei krev inn kostpengar i tillegg til sjølve opphaldsbetalinga. Til samanlikning er det nesten 91 prosent av kommunane som hevdar det same.

Også dei private barnehagane krev inn tilleggsutgifter. 33 prosent av utvalet rapporterar at dei gjer dette. Dette er klart høgare samanlikna med dei kommunale barnehagane der berre 10 prosent rapporterar at dei krev inn for slike utgifter.

### **3.7. Eigne betalingssatsar for barn under 3 år**

Per januar 2010 er det 1 barnehage i utvalet som har dette.

## 4. Gjennomsnittleg årsbetaling for fulltidsopphald i kommunale og private barnehagar

Gjennomsnittleg årsbetaling utan kostpengar og tilleggsutgifter for fulltidsopphald for eit barn i kommunal barnehage ligg på landsbasis på **24 579** kroner per januar 2010. Mange barn i barnehage får ein rabatt i form av syskenmoderasjon. Gjennomsnittleg årsbetaling for barn nr. 2 ligg dermed på **16 329** kroner, medan tilsvarande tal for barn nr. 3 er på **11 913** kroner. Med omsyn til delen av barn som mottok syskenmoderasjon (sjå kapittel 2.9 Syskenmoderasjon for meir informasjon) gir dette ei reell gjennomsnittleg årsbetaling på **23 064** kroner i kommunal barnehage.

I dei private barnehagane er gjennomsnittleg årsbetaling for eit barn utan kostpengar og tilleggsutgifter på **24 989** kroner per januar 2010, for barn nr. 2 og barn nr. 3 ligg årsbetalinga på høvesvis **17 182** og **12 608** kroner. I gjennomsnitt ligg årsbetalinga i private barnehagar på **23 552** kroner. Om ein tek omsyn til talet på barn i både kommunale og private barnehagar, ligg gjennomsnittleg årsbetaling i barnehagar på **23 288** kroner per januar 2010.

I motsetnad til tidlegare utrekna årsbetalingar for dei kommunale barnehagane er desse gjennomsnittstala i større grad basert på heile betalingssystemet til kommunane, ikkje berre på ulike punktobservasjonar. Det er likevel viktig å poengtere at satsane er henta inn på førehandsdefinerte inntektsintervall, og dermed vert ikkje kommunane sine egne betalingssystem fanga opp i sin heilskap (gjeld også for dei private betalingssatsane). Satsane er ikkje medrekna kostpengar og tilleggsutgifter dersom dette er spesifisert. Andre moderasjonsordningar utover inntektsgraderte satsar og syskenmoderasjon er ikkje inkludert i desse gjennomsnittstala. Friplassar vert fanga opp i den grad dei er definert innanfor barnehagen sitt ordinære betalingssystem gjennom dei inntektsgraderte betalingssatsane. Redusert betaling og friplassar som vert tildelt gjennom sosialkontor eller andre organ fell utanfor. Per januar 2010 er gjennomsnittleg årsbetaling i kommunale og private barnehagar utan kostpengar og tilleggsutgifter på **23 288** kroner, som er omtrent det same som i fjor.

## Vedlegg A: Tabellar

**Tabell A1. Oversiktsdata for undersøkinga**

Fylke	Talet på kommunar i fylket							
	med i søkinga	med inntekts-graderte månads-satsar	med flate månads-satsar	med sysken-modera-sjon på 30% eller meir for barn nr 2	med sysken-modera-sjon på 50% eller meir for barn nr 3	med kost-pengar i tillegg <sup>2</sup>	med private barne-hagar som følgjer kommunale modera-sjons-ordningar <sup>1</sup>	med friplassar/modera-sjons-ordningar utanfor det ordinære betalings-systemet
Østfold .....	18	4	14	18	17	17	11	12
Akershus .....	22	21	1	22	22	21	20	12
Oslo <sup>3</sup> .....	1	1	-	1	1	1	1	1
Hedmark .....	22	1	21	22	22	19	16	13
Oppland .....	26	6	20	26	25	26	10	14
Buskerud .....	21	5	15	20	18	19	12	12
Vestfold .....	14	9	5	14	14	11	13	8
Telemark .....	18	10	8	18	18	17	6	9
Aust-Agder .....	15	6	9	15	15	14	9	6
Vest-Agder .....	15	6	9	15	14	15	8	9
Rogaland .....	26	15	10	25	23	20	14	16
Hordaland .....	33	3	29	30	30	30	18	21
Sogn og Fjordane	26	2	24	26	26	25	14	10
Møre og Romsdal	36	1	35	36	36	32	24	22
Sør-Trøndelag .....	25	4	21	25	22	24	12	20
Nord-Trøndelag ...	24	1	23	24	23	21	12	18
Nordland .....	44	-	44	44	41	37	22	20
Troms .....	25	-	25	24	24	21	11	14
Finnmark .....	19	3	16	19	17	17	7	4
I alt <sup>4</sup> .....	430	98	329	424	408	387	240	241
I alt i prosent .....		22,8	76,5	98,6	94,9	90,0	55,8	56,0

<sup>1</sup> 146 av 430 kommunar rapporterar at dei ikkje har private barnehagar i kommunen

<sup>2</sup> 17 av kommunane oppgjer at dei ikkje veit kor mykje kostpengar utgjer

<sup>3</sup> 14 bydelar har rapportert. Detaljert informasjon om disse er å finne på: <http://www.ssb.no/kostra/>

**Tabell A2a. Gjennomsnittlege månadssatsar for fylke og bruttoinntekt**

Fylke	Månadssats, utan kostpengar og tilleggsutgifter				
	Bruttoinntekt kr.				
	Min	250000	375000	500000	Maks
<b>Østfold</b>					
jan.09 .....	1953	2313	2323	2323	2323
jan.10 .....	1959	2313	2322	2322	2322
Pst. endring .....	0,3	0,0	0,0	0,0	0,0
<b>Akershus</b>					
jan.09 .....	939	1822	2265	2329	2329
jan.10 .....	934	1919	2304	2330	2330
Pst. endring .....	-0,5	5,3	1,7	0,0	0,0
<b>Oslo</b>					
jan.09 .....	639	1933	2192	2192	2192
jan.10 .....	636	1930	2190	2190	2190
Pst. endring .....	-0,5	-0,2	-0,1	-0,1	-0,1
<b>Hedmark</b>					
jan.09 .....	2229	2294	2294	2294	2294
jan.10 .....	2298	2309	2309	2309	2309
Pst. endring .....	3,1	0,7	0,7	0,7	0,7
<b>Oppland</b>					
jan.09 .....	2051	2215	2256	2317	2317
jan.10 .....	2102	2265	2320	2326	2328
Pst. endring .....	2,5	2,3	2,8	0,4	0,5
<b>Buskerud</b>					
jan.09 .....	1521	2154	2234	2327	2327
jan.10 .....	1522	2164	2196	2329	2329
Pst. endring .....	0,1	0,5	-1,7	0,1	0,1

Tabell A2a (framh). Gjennomsnittlege månadssatsar for fylke og bruttoinntekt

Fylke	Månadssats, utan kostpengar og tilleggsutgifter				
	Bruttoinntekt kr.				
	Min	250000	375000	500000	Maks
<b>Vestfold</b>					
jan.09 .....	1202	1809	2195	2304	2304
jan.10 .....	1164	1895	2281	2303	2303
Pst. endring .....	-3,2	4,8	3,9	0,0	0,0
<b>Telemark</b>					
jan.09 .....	1345	2048	2296	2330	2330
jan.10 .....	1321	2065	2291	2330	2330
Pst. endring .....	-1,8	0,8	-0,2	0,0	0,0
<b>Aust-Agder</b>					
jan.09 .....	1685	2095	2171	2189	2189
jan.10 .....	1500	2035	2172	2187	2187
Pst. endring .....	-11,0	-2,9	0,0	-0,1	-0,1
<b>Vest-Agder</b>					
jan.09 .....	1596	1839	2255	2255	2256
jan.10 .....	1583	1855	2271	2271	2272
Pst. endring .....	-0,8	0,9	0,7	0,7	0,7
<b>Rogaland</b>					
jan.09 .....	1388	1610	1671	2011	2320
jan.10 .....	1389	1584	1644	1984	2294
Pst. endring .....	0,1	-1,6	-1,6	-1,3	-1,1
<b>Hordaland</b>					
jan.09 .....	1498	2312	2312	2312	2312
jan.10 .....	1480	2313	2313	2313	2313
Pst. endring .....	-1,2	0,0	0,0	0,0	0,0
<b>Sogn og Fjordane</b>					
jan.09 .....	2227	2227	2323	2323	2323
jan.10 .....	2216	2216	2312	2312	2312
Pst. endring .....	-0,5	-0,5	-0,5	-0,5	-0,5
<b>Møre og Romsdal</b>					
jan.09 .....	2308	2315	2315	2315	2315
jan.10 .....	2311	2318	2318	2318	2318
Pst. endring .....	0,1	0,1	0,1	0,1	0,1
<b>Sør-Trøndelag</b>					
jan.09 .....	2172	2270	2309	2309	2309
jan.10 .....	2184	2290	2330	2330	2330
Pst. endring .....	0,5	0,9	0,9	0,9	0,9
<b>Nord-Trøndelag</b>					
jan.09 .....	2291	2311	2311	2311	2311
jan.10 .....	2294	2311	2315	2315	2315
Pst. endring .....	0,1	0,0	0,2	0,2	0,2
<b>Nordland</b>					
jan.09 .....	2287	2287	2287	2287	2287
jan.10 .....	2296	2296	2296	2296	2296
Pst. endring .....	0,4	0,4	0,4	0,4	0,4
<b>Troms</b>					
jan.09 .....	2271	2271	2271	2271	2271
jan.10 .....	2300	2300	2300	2300	2300
Pst. endring .....	1,3	1,3	1,3	1,3	1,3
<b>Finnmark</b>					
jan.09 .....	2251	2251	2268	2268	2268
jan.10 .....	2209	2244	2259	2259	2259
Pst. endring .....	-1,9	-0,3	-0,4	-0,4	-0,4
<b>Heile landet totalt</b>					
jan.09 .....	1551	2060	2208	2261	2291
jan.10 .....	1549	2079	2218	2262	2292
Pst. endring .....	-0,1	0,9	0,5	0,0	0,0

Tabell A2b. Gjennomsnittleg årsbetaling for fylke og bruttoinntekt

Fylke	Årsbetaling, inkludert kostpengar og tilleggsgifter									
	Eit barn, bruttoinntekt kr.					To barn, bruttoinntekt kr.				
	Min	250000	375000	500000	Maks	Min	250000	375000	500000	Maks
<b>Østfold</b>										
jan.09 .....	23 923	27 877	27 984	27 984	27 984	41 157	47 780	47 940	47 940	47 940
jan.10 .....	24 033	27 929	28 035	28 035	28 035	41 417	47 989	48 169	48 169	48 169
Pst. endring .....	0,5	0,2	0,2	0,2	0,2	0,6	0,4	0,5	0,5	0,5
<b>Akershus</b>										
jan.09 .....	11 981	21 695	26 571	27 271	27 271	20 864	37 379	45 667	46 857	46 857
jan.10 .....	12 109	22 942	27 181	27 467	27 467	21 137	39 552	46 759	47 244	47 244
Pst. endring .....	1,1	5,7	2,3	0,7	0,7	1,3	5,8	2,4	0,8	0,8
<b>Oslo</b>										
jan.09 .....	8 547	22 781	25 630	25 630	25 630	14 986	39 184	44 027	44 027	44 027
jan.10 .....	8 544	22 780	25 630	25 630	25 630	14 988	39 190	44 035	44 035	44 035
Pst. endring .....	0,0	0,0	0,0	0,0	0,0	0,0	0,0	0,0	0,0	0,0
<b>Hedmark</b>										
jan.09 .....	26 395	27 108	27 108	27 108	27 108	45 126	46 315	46 315	46 315	46 315
jan.10 .....	27 300	27 415	27 415	27 415	27 415	46 860	47 033	47 033	47 033	47 033
Pst. endring .....	3,4	1,1	1,1	1,1	1,1	3,8	1,6	1,6	1,6	1,6
<b>Oppland</b>										
jan.09 .....	24 791	26 591	27 045	27 717	27 717	42 383	45 377	46 110	47 246	47 246
jan.10 .....	25 691	27 482	28 081	28 155	28 178	43 963	46 943	47 960	48 083	48 120
Pst. endring .....	3,6	3,4	3,8	1,6	1,7	3,7	3,4	4,0	1,8	1,8
<b>Buskerud</b>										
jan.09 .....	18 705	25 669	26 549	27 565	27 565	31 737	43 354	44 764	46 490	46 490
jan.10 .....	18 852	25 916	26 271	27 731	27 731	32 197	44 206	44 810	47 292	47 292
Pst. endring .....	0,8	1,0	-1,0	0,6	0,6	1,4	2,0	0,1	1,7	1,7
<b>Vestfold</b>										
jan.09 .....	14 499	21 174	25 416	26 615	26 615	24 948	35 742	42 363	44 207	44 207
jan.10 .....	14 247	22 291	26 539	26 775	26 775	24 654	38 075	44 704	45 105	45 105
Pst. endring .....	-1,7	5,3	4,4	0,6	0,6	-1,2	6,5	5,5	2,0	2,0
<b>Telemark</b>										
jan.09 .....	16 311	24 051	26 779	27 150	27 150	26 799	39 352	43 655	44 212	44 212
jan.10 .....	16 745	24 929	27 420	27 849	27 849	27 800	41 018	44 966	45 609	45 609
Pst. endring .....	2,7	3,6	2,4	2,6	2,6	3,7	4,2	3,0	3,2	3,2
<b>Aust-Agder</b>										
jan.09 .....	20 027	24 529	25 368	25 568	25 568	33 855	41 403	42 828	43 128	43 128
jan.10 .....	18 179	24 073	25 571	25 740	25 740	30 774	40 684	43 230	43 484	43 484
Pst. endring .....	-9,2	-1,9	0,8	0,7	0,7	-9,1	-1,7	0,9	0,8	0,8
<b>Vest-Agder</b>										
jan.09 .....	19 656	22 328	26 898	26 898	26 914	33 782	38 309	46 050	46 050	46 073
jan.10 .....	19 587	22 583	27 153	27 153	27 169	33 666	38 732	46 473	46 473	46 496
Pst. endring .....	-0,4	1,1	0,9	0,9	0,9	-0,3	1,1	0,9	0,9	0,9

Tabell A2b (framh.) Gjennomsnittleg årsbetaling for fylke og bruttoinntekt

Fylke	Årsbetaling, inkludert kostpengar og tilleggsutgifter									
	Eit barn, bruttoinntekt kr.					To barn, bruttoinntekt kr.				
	Min	250000	375000	500000	Maks	Min	250000	375000	500000	Maks
<b>Rogaland</b>										
jan.09	16 322	18 767	19 430	23 146	26 555	28 053	32 137	33 237	39 529	45 316
jan.10	16 499	18 641	19 292	23 017	26 426	28 403	31 971	33 054	39 359	45 147
Pst. endring	1,1	-0,7	-0,7	-0,6	-0,5	1,2	-0,5	-0,6	-0,4	-0,4
<b>Hordaland</b>										
jan.09	18 152	27 105	27 105	27 105	27 105	31 350	46 570	46 570	46 570	46 570
jan.10	18 148	27 318	27 318	27 318	27 318	31 403	46 990	46 990	46 990	46 990
Pst. endring	0,0	0,8	0,8	0,8	0,8	0,2	0,9	0,9	0,9	0,9
<b>Sogn og Fjordane</b>										
jan.09	26 159	26 159	27 214	27 214	27 214	44 772	44 772	46 566	46 566	46 566
jan.10	26 041	26 041	27 097	27 097	27 097	44 675	44 675	46 469	46 469	46 469
Pst. endring	-0,4	-0,4	-0,4	-0,4	-0,4	-0,2	-0,2	-0,2	-0,2	-0,2
<b>Møre og Romsdal</b>										
jan.09	27 454	27 526	27 526	27 526	27 526	46 812	46 934	46 934	46 934	46 934
jan.10	27 488	27 559	27 559	27 559	27 559	47 062	47 183	47 183	47 183	47 183
Pst. endring	0,1	0,1	0,1	0,1	0,1	0,5	0,5	0,5	0,5	0,5
<b>Sør-Trøndelag</b>										
jan.09	26 226	27 305	27 736	27 736	27 736	45 088	46 922	47 647	47 647	47 647
jan.10	26 491	27 666	28 097	28 097	28 097	45 608	47 607	48 331	48 331	48 331
Pst. endring	1,0	1,3	1,3	1,3	1,3	1,2	1,5	1,4	1,4	1,4
<b>Nord-Trøndelag</b>										
jan.09	27 056	27 274	27 274	27 274	27 274	46 117	46 488	46 488	46 488	46 488
jan.10	27 338	27 527	27 567	27 567	27 567	46 875	47 197	47 265	47 265	47 265
Pst. endring	1,0	0,9	1,1	1,1	1,1	1,6	1,5	1,7	1,7	1,7
<b>Nordland</b>										
jan.09	26 999	26 999	26 999	26 999	26 999	43 752	43 752	43 752	43 752	43 752
jan.10	27 261	27 261	27 261	27 261	27 261	44 379	44 379	44 379	44 379	44 379
Pst. endring	1,0	1,0	1,0	1,0	1,0	1,4	1,4	1,4	1,4	1,4
<b>Troms</b>										
jan.09	27 093	27 093	27 093	27 093	27 093	45 809	45 809	45 809	45 809	45 809
jan.10	27 633	27 633	27 633	27 633	27 633	47 002	47 002	47 002	47 002	47 002
Pst. endring	2,0	2,0	2,0	2,0	2,0	2,6	2,6	2,6	2,6	2,6
<b>Finnmark</b>										
jan.09	27 434	27 434	27 619	27 619	27 619	43 591	43 591	43 887	43 887	43 887
jan.10	27 218	27 609	27 774	27 774	27 774	43 463	44 050	44 316	44 316	44 316
Pst. endring	-0,8	0,6	0,6	0,6	0,6	-0,3	1,1	1,0	1,0	1,0
<b>Heile landet</b>										
jan.09	18 819	24 427	26 054	26 629	26 956	32 104	41 569	44 288	45 252	45 806
jan.10	18 953	24 784	26 316	26 801	27 128	32 432	42 297	44 862	45 680	46 236
Pst. endring	0,7	1,5	1,0	0,6	0,6	1,0	1,8	1,3	0,9	0,9

**Tabell A3. Gjennomsnittlege månadssatsar og årsbetaling etter bruttoinntekt. 1992-2010<sup>1</sup>**

	Månadssatsar, utan kostpengar og tilleggsutgifter				Årsbetaling, inkludert kostpengar og tilleggsutgifter <sup>3</sup>										
					Eit barn, brutto inntekt kr.					To barn, brutto inntekt kr.					
	Min	250 000	375 000	500 000	Maks	Min	250 000	375 000	500 000	Maks	Min	250 000	375 000	500 000	Maks
jan.92		1 961	2 123			22 133	23 903				34 730	37 406			
aug.92		1 979	2 143			22 399	24 195				35 019	37 738			
jan.93		2 002	2 180			22 615	24 566				35 490	38 450			
aug.93		2 007	2 202			22 745	24 881				35 985	39 224			
jan.94		2 082	2 273			23 499	25 589				37 223	40 402			
aug.94		2 130	2 297			24 084	25 906				38 139	40 909			
jan.95		2 169	2 344			24 446	26 371				38 715	41 639			
aug.95		2 176	2 342			24 638	26 452				39 143	41 893			
jan.96		2 229	2 403			25 151	27 053				39 937	42 817			
aug.96		2 263	2 448			25 549	27 574				40 700	43 785			
jan.97		2 339	2 527			26 497	28 544				42 406	45 532			
aug.97		2 354	2 563			26 706	28 990				42 798	46 299			
jan.98		2 404	2 619			27 153	29 498				43 405	46 999			
aug.98		2 415	2 640			27 335	29 800				43 751	47 532			
jan.99		2 525	2 758			28 612	31 155				45 978	49 875			
aug.99		2 567	2 791			29 111	31 568				46 935	50 701			
jan.00		2 629	2 857	2 946		29 756	32 251	33 206			48 041	51 871	53 336		
aug.00		2 661	2 912	3 002		30 035	32 765	33 735			48 469	52 655	54 151		
jan.01		2 723	2 985	3 074		30 809	33 671	34 627			49 780	54 168	55 636		
aug.01		2 700	2 953	3 032		30 656	33 437	34 297			49 510	53 746	55 046		
jan.02 <sup>1</sup>		2 644	3 095	3 179		29 696	34 625	35 535			47 845	55 394	56 797		
aug.02		2 558	2 980	3 058		28 748	33 374	34 226			46 430	53 532	54 845		
jan.03	1 565	2 579	3 008	3 097	3 193	17 855	28 965	33 666	34 646	35 681	29 231	46 851	54 058	55 567	57 512
aug.03	1 491	2 385	2 763	2 851	2 949	17 064	26 843	30 991	31 950	33 023	28 299	44 298	50 706	52 204	53 846
jan.04	1 480	2 360	2 731	2 805	2 903	16 986	26 648	30 731	31 529	32 599	28 401	44 806	51 131	52 380	54 019
aug.04	1 491	2 330	2 659	2 708	2 709	17 074	26 311	29 914	30 429	30 436	28 587	43 996	49 931	50 795	50 806
jan.05	1 514	2 356	2 691	2 741	2 741	17 498	26 746	30 395	30 923	30 923	29 663	45 215	51 322	52 218	52 218
aug.05	1 528	2 352	2 698	2 753	2 753	17 665	26 689	30 422	30 949	30 949	29 941	45 160	51 408	52 328	52 328
jan.06	1 289	2 010	2 199	2 257	2 257	15 166	23 076	25 129	25 742	25 742	25 739	39 040	42 462	43 483	43 483
aug.06	1 345	1 955	2 167	2 220	2 247	15 895	22 611	24 943	25 519	25 824	27 140	38 574	42 471	43 429	43 947
jan.07	1 400	2 017	2 235	2 289	2 318	16 560	23 348	25 743	26 338	26 653	28 223	39 609	43 612	44 599	45 135
aug.07	1 534	2 094	2 246	2 291	2 309	18 239	24 392	26 069	26 563	26 763	30 840	41 185	43 984	44 808	45 151
jan.08	1 596	2 114	2 265	2 296	2 297	19 224	24 923	26 574	26 919	26 931	32 684	42 257	45 021	45 575	45 596
jan.09 <sup>2</sup>	1551	2 060	2 208	2 261	2 291	18 819	24 427	26 054	26 629	26 956	32 104	41 569	44 288	45 252	45 806
jan.10	1549	2 079	2 218	2 262	2 292	18 953	24 784	26 316	26 801	27 128	32 432	42 297	44 862	45 680	46 236
Pst. endring jan.92-jan.10		6,0	4,5			12,0	10,1				21,8	19,9			

<sup>1</sup> Frå og med januar 2002 er gjennomsnittssatsane vektta i motsetnad til tidligare då uvekta snitt vart nytta.

<sup>2</sup> Grunna ny informasjon kan data frå tidlegare målingar ha vorte noko endra.

<sup>3</sup> Tilleggsutgifter er inkludert frå og med august 2006 og januar 2007.

**Tabell A4. Oversiktsdata for kommunale barnehagar. 2007-2010**

	Talet på kommunar									
	med syskenmoderasjon							med private barnehagar som følgjer kommunale moderasjonsordningar		med friplassar/moderasjonsordningar utanfor det ordinære betalings-systemet
	med i under-søkinga	med inntekts-graderte månads-satsar	med flate månads-satsar	med syskenmoderasjon på 30% for barn nr 2	med syskenmoderasjon på 30% eller meir for barn nr 2	med syskenmoderasjon på 50% for barn nr 3	med syskenmoderasjon på 50% eller meir for barn nr 3	med kost-pengar i tillegg	med private barnehagar som følgjer kommunale moderasjons-ordningar	med friplassar/moderasjons-ordningar utanfor det ordinære betalings-systemet
jan.07	416	94	322	270		348		365	297	358
jan.08 <sup>1</sup>	399	93	303	257		324		346	235	211
jan.09 <sup>2</sup>	428	102	322	288		348		384	251	233
jan.10 <sup>3</sup>	430	98	329	309	424	376	408	386	240	241

<sup>1</sup> Syskenmoderasjon tel ikkje i kommunar med gratis barnehagetilbod og kommunar utan kommunalt barnehagetilbod.

<sup>2</sup> I 2009 vart Oslo kommune representert med 13 bydelar i staden for som ein kommune. Det rette tal på kommunar i rapporten frå 2009 var 416.

<sup>3</sup> Syskenmoderasjon tel ikkje

i kommunar med gratis barnehagetilbod og kommunar utan kommunalt barnehagetilbod.

<sup>3</sup> Syskenmoderasjon vert ikkje telt med for kommunar utan kommunalt barnehagetilbod.

**Tabell A5. Månads- og årsbetaling etter region for private barnehagar**

Området	Månedsbetaling utan kost			Årsbetaling inkludert kostpengar og andre tilleggsutgifter					
	Eit barn			Eit barn			To barn		
	jan.09	jan.10	Endr. i pst.	jan.09	jan.10	Endr. i pst.	jan.09	jan.10	Endr. i pst.
Austlandet	2 287	2 295	0,4	28 330	28 123	0,7	51 322	50 950	0,7
Agder/Rogaland	2 075	2 082	0,3	25 953	25 854	0,4	45 618	45 110	1,1
Vestlandet	2 271	2 291	0,9	27 941	27 451	1,8	50 416	49 236	2,4
Trøndelag	2 306	2 311	0,2	28 991	28 798	0,7	50 602	50 977	-0,7
Nord-Noreg	2 317	2 317	0,0	27 887	27 650	0,9	47 352	46 977	0,8
Heile landet	2 251	2 260	0,4	27 857	27 614	0,9	49 784	49 293	1,0

## Figurregister

2.1. Gjennomsnittlege månadssatsar for eit barn i kommunal barnehage. Brutto årsinntekt på 250 000 kroner. Januar 2010 .....	10
2.2. Gjennomsnittlege månadssatsar for eit barn i kommunal barnehage. Brutto årsinntekt på 375 000 kroner. Januar 2010 .....	11
2.3. Talet på kommunar som tilbyr inntektsgraderte betalingsatsar etter hushaldet si samla brutto årsinntekt. Januar 2010 .....	12
2.4. Kommunar med ulike rabattordningar. Prosent. Januar 2010 .....	14
3.1. Gjennomsnittleg årsbetaling for eit barn etter region og betalingsår. Private barnehagar. Januar 2009 og januar 2010 .....	16



## Tabellregister

A1. Oversiktsdata for undersøkinga.....	19
A2a. Gjennomsnittlege månadssatsar for fylke og bruttoinntekt.....	19
A2b. Gjennomsnittleg årsbetaling for fylke og bruttoinntekt.....	21
A3- Gjennomsnittlege månadssatsar og årsbetaling etter bruttoinntekt. 1992-2010.....	23
A4. Oversiktsdata for kommunale barnehagar. 2007-2010 .....	23
A5. Månads- og årsbetaling etter region for private barnehagar.....	23